

Evening Dogri News

07 October 2024

18:15 Hrs

Headlines

- जम्मू-कश्मीर विधानसभा चुनाव 2024 के वोटों की गिनतरी कल होगी, जम्मू-कश्मीर के 873 मेदवारों से हरियाणा के 1 ज्हार 31 मेदवारों के सियासी भविष्य का फैसला कल सामने आई जागी।
- जम्मू-कश्मीर के मुख चुनां अधिकारी पी.के. पोले होंरें कल होने आहली मतगणना की प्रक्रिया च पूरी पारदर्शिता का भरोसा दोआया ऐ।
- प्रधानमंत्री नरेंद्र मोदी होंरें आखेआ ऐ जे मालदीव लेई भारत नै सदा इक जिम्मेदार गोआंडी की भूमिका निभाई ऐ ते लोड पौने पर भारत प्रक्रिया देने आला पैहला गोआंडी रेहा ऐ।
- केंद्री गृह मंत्री अमित शाह होंरें आखेआ ऐ जे जम्मू-कश्मीर, छत्तीसगढ़ ते पूर्वोत्तर से नक्सल प्रभावित राज्यों थमां कोई 13 ज्हार नौजवान थेहार छोड़िए मुख धारा च शामिल होए न।

<><><><><><>

Jammu Kashmir Haryana Counting

जम्मू-कश्मीर ते हरियाणा की 90-90 विधानसभा सीटें पर कल वोटों की गिनती होगी। एहदे कन्नै गै जम्मू-कश्मीर के 873 ते हरियाणा के 1 ज्हार 31 चुनाव च खड़ोते के मेदवारों के भाग्य का फैसला होई जागी। जम्मू-कश्मीर च निगर सुरक्षा बंदोबस्तें बश्कार 20 मतगणना केंद्र कायम कीते गे न। सब्बनें केंद्रें च केंद्री थेआर बल, राज्य थेहार बल ते जिला पुलिस तैनात रौहगी। जम्मू-कश्मीर च 10 बरे के मगरां होए के चुनाव च बड़ी मती बढ़ गिनती च मतदान होआ ऐ। त्रै चरणें च होए के चुनाव च 18 ते 25 सितंबर ते पैहली अक्तर गी मतदान होए हे। हरियाणा च सब्बनें 90 मतगणना केंद्र कायम कीते गेन। मुख चुनां अधिकारी पंकज अग्रवाल नै दस्सेया ऐ जे मतगणना केंद्र सब्बनें 22 जिलें के मुख्यालयें च लाए गेन।

<><><><><><>

CEO-JK

जम्मू-कश्मीर दे मुख् चनां अधिकारी पाडुरंग के पोले होरें कल 8 अक्तूबर गी होने आली वोटें दी गिनतरी दे कम्मै च पूरी पारदर्शिता दा यकीन दोआया ऐ। आकाशवाणी दे जम्मू संवाददाता नै जानकारी दित्ती ऐ जे पोले होरें पारदर्शिता पर जोर दिंदे होई आखेआ जे मीडिया ते होर लोकें गी चुनाएं दे रूझान ते नतीजे कन्नोकत्री दस्से जंदे रौह9न। उनें सरबंधित सब्बनें अफसरें गी आखेआ जे ओहू भारतीय चुनां आयोग दे नियमें ते दिशा निर्देशें दी पूरी ते सख्ती नै अमल आवरी यकीनी बनान ते लोड्चदे बंदोबस्त करी रक्खे जान। उनें दस्सेया जे मतगणना लेई सारियां तैयारियां करी लैतियां गेदियां न ते त्रों घेरें आहले निग्गर सुरक्षा बंदोबस्त बी कीते गेदे न तां जे पूरी प्रक्रियउा च सुरक्षा ते बवस्था बनाई रक्खी जाई सकै। उनें दस्सेया जे पैहले सुरक्षा घेरे दी जिम्मेदारी केंद्री थेआरबंद पुलस बल कश ऐ जिसले जे दुए घेरे च जम्मू-कश्मीर दी आर्ड पुलस गी लाया गेदा ऐ ते त्रीए सुरक्षा घेरे दा जिम्मा सरबंधित जिला पुलस कश ऐ। एहदे अलावा स्ट्रांग रूम जित्थे वोटिंग मशीनां रक्खी गेदियां न ते गिनतरी हाल च सुरक्षा बवस्था डीएसपी स्तरै दे अधिकारी दी दिक्ख-रिक्ख च कीती गेदी ऐ। उनें आखेआ जे विजन शनाख्ती कार्ड ते ड्यूडी पास दे कुसै गी बी गिनत्री केंद्रे च जाने दी इजाजत नेई होग।

<><><><><><>

Counting-Jammu

जम्मू च कल वोटें दी गिनतरी त्रऊं थाहरें पर होग। स्हाडे जिला संवाददाता अंकुश शर्मा नै जानकारी दित्ती ऐ जे जम्मू दक्खन बाहु, बिश्राह, सुचेतगढ, आर.एस.पुरा ते जम्मू पच्छिम हल्कें दे वोटें दी गिनतरी एमएएम कॉलेज च होग। जिसलै जे जम्मू पूर्व, नगरोटा, जम्मू उत्तर, मढ, अखनूर ते छम्ब विधानसभा हल्कें दे वोट जम्मू दे पॉलीटेक्रिक कॉलेज च गिने जाडन। इस्सै चाल्ली विस्थापितें आस्सेया पाए गेदे वोटें दी गिनत्री गांधी नगर आले महिला कॉलेज च कीती जाग। सब्बनें मतगणना केंद्रे च निग्गर सुरक्षा प्रबंधें सने लोड्चदे होर सब्बे इंतजाम करी लैते गेदे न तां जे पूरी प्रक्रिया गी पूरी चाल्ली रमानदारी ते बवस्था आले ढंगै सिर तोड चाढेआ जाई सकै।

<><><><><><>

Raina-Govt.

जम्मू-कश्मीर प्रदेश बीजेपी दे अध्यक्ष रविंद्र रैना होरें अज्ज आखेआ ऐ जे उंदी पार्टी आजाद ते लौहकिएं पार्टिएं दे सहयोग कन्नै जम्मू-कश्मीर च सरकार बनाग ते कश्मीर घाटी च बी पक्क गै अपना खाता खोल्लगा। उनें आखेआ जे मिगी पूरा यकीन ऐ जे कल जिसलै वोटें दी गिनतरी होग बीजेपी गी घट्टोघट्ट 35 सीटां जरूर थ्होडन। बीजेपी नै अपनी वोटिंग एजेटें ते लीडरें कन्नै मतगणना दे बारे च बैठक बी कीती।

Kharge-Govt. Formation

कांग्रेस पार्टी दे राश्ट्रीय प्रधान मल्लिकार्जुन खड्गे होरें भरोसा जताया ऐ जे उंदी पार्टी गै हरियाणा च अगली सरकार बनाग ते जम्मू-कश्मीर च कांग्रेस अपनी भ्याल नेशनल कांफ्रेंस कन्नै मिलिए सरकार बना करदी ऐ। इनें दौनें प्रदेशें च विधानसभा चुनाएं दे वोटें दी गिनतरी कल होनी ऐ ते कल गै सारे नतीजे सामने आई जाडन। उनें गलाया जे अजें पैहले गै आक्खी दित्ता हा जे जम्मू-कश्मीर च स्हाड़ी गै सरकार बनोग। ओहू अज्ज बंगलुरू च पत्रकारें कन्नै गल्लबात करां रदे हे। कल जारी केई एग्जिट पाल्ज च बी इयै गल्ल सामने आवा करदी ऐ जे हरियाणा च कांग्रेस गी साफ बहुमत थ्होग ते जम्मू-कश्मीर च नेशनल कांफ्रेंस ते कांग्रेस जिनें किट्टे रलिए चुनां लडेआ ऐ, ओहू सब्बनें शा बड्डी पार्टी दे तौरा पर उभरी सामने औडन।

<><><><><><>

Congress-JK

जम्मू-कश्मीर प्रदेश कांग्रेस कमेटी दे अध्यक्ष तारिक हमदी कर्रा होरें भरोसा जताया ऐ जे जम्मू-कश्मीर च सरकार कांग्रेस दी गै बनोग ते आखेआ जे सत्ता च औने पर ओहू खाली पेदिएं 1 लक्ख असामिएं गी पक्क गै पूरा करडन।

<><><><><><>

Kavinder Govt.

जम्मू-कश्मीर दे साबका उपमुखमंत्री ते बीजेपी दे सीनियर लीडर कविंद्र गुप्ता होरें आखेआ ऐ जे स्हाड़े एग्जिट पोल दे अंदाजे मुजब बीजेपी कोई 35-40 सीटां हासल होडन ते अगली सरकार जम्मू-कश्मीर च बीजेपी गै बनाग।

<><><><><><>

PM-Maldives

प्रधानमंत्री नरेंद्र मोदी होरें आखेआ ऐ जे भारत नै म्हेशा गै मालदीव आस्तै पैहले उत्तरदाता दी भूमिका नभाई ऐ। नमीं दिल्ली च मालदीव दे राश्ट्रपति डाक्टर मोहम्मद मोइज्जु कन्नै शिष्टमंडल स्तरै दी गल्लबात दे मगरा प्रधानमंत्री मोदी होरें इक्क संयुक्त प्रेस बयान जारी कीता जेदे च दस्सेया गेआ ऐ जे भारत नै म्हेशां इक गुआंडी मुख होने दे तौरा पर अपनी जिम्मेदारी पूरी कीती ऐ। उनें आखेआ ऐ जे भारत नै मालदीव दे लोकें आस्तै जरूरी चीजें-बस्तें दी लोड्छ गी पूरा कीता ऐ। कुदरती आपदाएं दौरान पीने दा पानी ते कोविड दे समें च टीके तगर उपलब्ध करोआए ना श्री मोदी होरें इब्बी आखेआ ऐ जे भारत मालदीव दा सरबंध सदियें थमां पराना ऐ। भारत मालदीव दा करीबी गोआंडी ते करीबी मित्र रेहा ऐ। अपने इक प्रेस बयान च डॉक्टर मुइज्जु होरें आखेआ जे उनें ते प्रधानमंत्री मोदी होरें दोनें देशें दी सफल विकास यात्रा पर लोऽ

पांदे होई तफसील च चर्चा कीती। प्रधानमंत्री मोदी होरें राष्ट्रपति डाक्टर मुइज्जु हुंदे कन्नै मालदीव च हनीमाधु अंतरराष्ट्रीय हवाई अड्डे दे रनवे दा बी वर्चुअल माध्यम रोहें उद्घाटन कीता। मालदीव च रूपे कार्ड भुगतान दा बी शुभारम्भ कीता गेआ। दोनें मुल्ले बशकार भ्रष्टाचार कन्ने निब्वडने, न्यायपालिका, युवा ते खेड्ड दे खेत्तरे सने मते सारे समझौते पर बी दस्तखत कीते गए।

<><><><><><>

Shah LWE Meeting

केंद्री गृह मंत्री अमित शाह होरें अजज आखेआ ऐ जे सरकार दे बेहतर केंद्र ते राज्य बशकार आपसी तालमेल कन्नै देशै थमां नक्सलवाद गी पूरी चाल्ली नै खत्म कीता जा'रदा ऐ। अमित शाह होरें अज्ज नमीं दिल्ली च वामपंथी उग्रवाद थमां प्रभावित राज्यें दे मुखमंत्रियें कन्नै इक बैइक दी अध्यक्षता कीती। गृह मंत्री होरें इब्बी गलाया ऐ जे नक्सली हिंसाएं दी घटना 16 ज्हार थमां घटियै 7 ज्हार 700 होई गेइयां ना। उनें भरोसा दोआया जे अगले बरे तगर एहू संख्या होर घटी जागा। उनें इब्बी दस्सेया ऐ जे लोकें ते सुरक्षाबलें दी मौतें च बी 70 फीसद दी कमी आई ऐ। अमित शाह होरें आखेआ ऐ जे नक्सलवाद विकास दे रस्ते च सब्बनें थमां बड्डी रूकावट ऐ ते एहूदे कन्नै कदे कुसै दा भला नेई होने आहला। उनें नक्सलवाद कन्नै जुडे दे सब्बनें नौजवानें गी थेआर छोडी देने दी अपील कीती ऐ।

<><><><><><>

Poonch Security Counting

पुंछ जिले च चुनाएं लेई वोटें दी गिनतरी च किश गै घंटे बाकी रेही गेदे न ते पूरे जिले च सुरक्षा दे बंदोबस्त होर निगार करी दित्ते गेन। अधिकारियें इलाके च रमानदारी दा माहौल बनाई रखने आस्तै होर मती फौज तैनात करी दित्ती ऐ। आकाशवाणी दे संवाददाता अनुभव मिसरी नै दस्सेया ऐ जे जम्मू-कश्मीर पुलस नै सुरक्षा बलें कन्नै रलियै बक्ख-बक्ख थाहरें पर नाके लाए देन ते पूरी चाल्ली कन्नै गड्डियें दी आओजाई पर तक्क रक्खी दी ऐ। गिनत्री प्रक्रिया दौरान कुसै बी घटना गी रोकने लेई पुंछ दे अंदर ते बाहर जाने आहले रस्ते गी सील करी दित्ता गेदा ऐ। जिला प्रशासन दे इक वरिष्ठ अधिकारी नै दस्सेया ऐ जे अस्स चुनाएं दी गिनतरी दी प्रक्रिया गी बवस्था ते सुरक्षित तरीके कन्नै चलाने लेई पूरी चाल्ली कन्नै तैयार आं।

<><><><><><>

Vayu Veer Vijeta Rally

भारतीय वायु सेना दी 92मीं बरे गंड दे मौके पर लद्दाख दे थोइस थमां 7 ज्हार किलोमीटर लम्मी वायु वीर विजेता कार रैली कड़ी जाग। इस कार रैली दा समापन 29 अक्तूबर दी अरूणाचल प्रदेश दे तवांग पुज्जने कन्नै होग। एहदे थमां पैहले रक्षा मंत्री राजनाथ सिंह होरें पैहली अक्तूबर गी नमीं दिल्ली दे राश्ट्रीय युद्ध स्मारक थमां इस रैली गी रवाना कीता हा। केंद्रीय शिड़क ट्रांसपोर्ट ते जरनैली शिड़कें सरबंधी राज्यमंत्री हर्ष मल्होत्रा बायु शूरवीरें गी सैहयोग देने ते उंदा मनोबल बदाने आस्तै जिम्नी कारें कन्नै लेह तगर जाने लेई थोइस पुज्जे न। केंद्री शिड़क, ट्रांसपोर्ट ते राश्ट्रीय जरनैली शिड़क मंत्री नितिन गडकरी होरें बी कार रैली गी अपना सैहयोग दित्ता। राश्ट्रीय जरनैली शिड़कें ते ढांचा विकास निगम लिमिटेड दे अधिकारी बी इस रैली च हिस्सा लै करदे न।

<><><><><><>

Mine-Samba

जम्मू-कश्मीर दे साम्बा जिले च बक्ख-बक्ख थाहरें पर गां दे लोकें जंगाल लग्गी दी टैंक रोधी बरूदी सुरंग चा इक मोर्टर शेल लब्बनें पर उसी नकारा करी दित्ता। अधिकारियें दी जानकारी मताबक अपने खेत्तरें च कम्म करा रदे करसान नै टैंक रोधी बरूदी सुरंग गी दिक्खेआ ते मुरत सीमा सुरक्षा बल गी एहदी जानकारी दित्ती ते बम्ब नकारा करने आहले खास दस्तें नै आइयै सुरंग गी सुरक्षित तौरा कन्नै नकारा करी दित्ता।

<><><><><><>

Paswan Food Processing

खाने-पीने आहली चीजें गी डब्बा बंद करने ते उद्योगें सरबंधी मैहकमें दे मंत्री चिराग पासवान होरें आखेआ ऐ जे खाने-पीने आहले उत्पादें दी गुणवत्ता गी यकीनी बनाने लेई मंत्रालय आस्सेया खाद्य पदार्थें दी जांच करने आहिलयां इक्क 100 टेस्टिंग लैबोट्रियां तैयार कीतियां जांगन। नमीं दिल्ली च फिक्की आस्सेया लोआए गेदे 13में MASSMERIZE प्रोग्राम च भाशण दिंदे होई श्री पासवान होरें इस गल्ला दा जिक्र कीता जे खाने-पीने आहली चीजें गी डब्बा बंद करने दौरान जाय जाने आहली रैंद-खूंद गी घट्टोघट्ट करने लेई 50 Irradiation युनिट कायम कीते जांगन। श्री पासवान होरें खाने-पीने आहली चीजें सरबंधी उद्योग मुतल्लक घड़ें गी एब्बी अपील कीती ऐ जे ओहू भारत गी खुराक सरिस्ते च कुल संसारी स्तरै पर आनने च मदाद करना।

<><><><><><>